

suo paese. *Item*, come sier Francesco Morexini, *quondam* sier Piero, merchadante li, li à dito vilania, e che l' à manzà ducati 4000 di cotimo; *unde* esso consolo à fato processo, et lo manderà a l'avogaria.

*Di Elemagna, di l' orator, date a Alla.* Zercha questa venuta. Il re à voja di vegnir; aspeta la resolution *etc.* *Tamen* non si vede ancora preparation alcuna.

*Da Vicenza, di sier Piero Barbo, podestà, et sier Vincenzo Valier, capitano.* Avisi abuti di le cosse di Alemagna, di la venuta dil re di romani, et preparation fanno. Et *alia ut in litteris.*

Et altre letere fo lete, o perhò da conto.

Fo leto le opinion di savij a la proposta fata a l' orator per il re di romani, la qual (e insta la Signoria nostra a rispon lerli) credo zercha la sua venuta, et quello vol far la Signoria *etc.* Et parlò li infrascripti, tre di colegio e do fuora: zoè sier Alvixe da Molin, savio dil consejo, primo, in favor di la soa parte. Contradise sier Andrea Venier. Poi parlò sier Piero Duodo, savio dil consejo; l; rispose sier Francesco Foschari, el cavalier; ultimo fo sier Alvixe di Prioli, savio a terra ferma. Et d' acordo, perchè molli volevano parlar, fo rimessa a uno altro zorno, zoè luni proximo, ch' è a di 18, il zorno di San Lucha.

*A di 17.* Fo gran consejo. Et fo leto una parte, presa a di 24 octubrio nel consejo di X, zercha il collegio di le biave, *videlicet* che stij serado, sij apon-tadi, et si fazi come in le quarantie, *videlicet* si fazi pender, et si siegua li altri do consegij, nè si mandì alcun di officij per l'horo, quando sono stati al primo consejo *etc.*; *ut in parte.*

*Item*, fo leto la parte, presa im pregadi a di 15, zercha li gastaldi di procuratori, *videlicet* il modo di la eletion: che habino passà anni 30; loro, so padre et avo sijno stà venitiani; et siano balotà in colegio quelli sono stà da anni 8 in qua *etc.* Contra questa parte messe, *videlicet* la parte, sier Beneto Sanudo, 81 sier Lorenzo di Prioli, sier Zorzi Corner, el cavalier, sier Andrea Gritti, consieri; et sier Zuan Mozenigo et sier Stefano Contarini volseno la parte, con questo: sij balotadi in colegio, *de cætero.* Or contradise la parte presa im pregadi sier Thomà Donado, fo avochato, a requisition di gastaldi sono; dicendo, la bona era quella de li do consieri, per le raxon per lui dite. Li rispose sier Lorenzo di Prioli, consier; poi sier Stefano Contarini, consier, ma pian che niun l'intendeva. Andò le parte: 21 non sinceri, 22 di no, di quella di do consieri 366, di quella di 4 consieri, come fu preso im pregadi, 890. Et questa fu presa.

*A di 18.* Fo pregadi. Et fo letere di Candia, di rectori. Come Camalli era zonto in Alexandria, con quella armada andò et li 800 miera di rami, et con 50 pezi di artilarie, che l' signor turecho manda a donar al soldan per le cosse di portogalesi. *Item*, la lemosina manda il signor a la Mecha.

*Di Constantinopoli, dil Bembo, baylo, di 29 avosto.* Zercha Sophi. Et come quel zorno passa Achaia bassà, el qual va su la Natalia con 4500 janizari et 400 cari di artilarie, et va contra Sophi; si che il Sophi è in gran guerra col turecho. Et *alia, ut in litteris.*

*Di Roma.* Come era stato fato le exequie dil cardinal Santa Praxede. *Item*, il cardinal San Vidal in castello stava mal. *Item*, zercha il patriarcha' di Constantinopoli, per la renoncia dil cardinal Corner, per darlo al cardinal Ystrigonia, come vuol la Signoria, par il papa voria l' abatia di Cereto soto Crema, qual la Signoria l' à dà per pregadi al cardinal Corner. *Item*, l' orator mandò una letera scrive il re de Ingallera al papa, zercha le cosse dil turecho, in risposta dil breve li mandò il papa, ch' è bella letera.

Fo poi disputato la materia che si trata; et parlò sier Lunardo Mozenigo, savio dil consejo, sier Lorenzo di Prioli, consier, sier Zorzi Emo et sier Antonio Trun, procurator, savio dil consejo. Et non fo expedita, et fo rimessa a doman.

*A di 19.* Fo *etiam* pregadi. Fo letere di Spagna, di Andrea Rosso, secretario, date a Santa Maria dil Campo. Di quelle occorentie, molto longamente. Prima, il re à visto li capitoli zercha l' adattamento di le represaje; li piace, sì che la cossa si adatarà, ma si presto non pol esser expediti. *Item*, arà il salvo conduto per le galie di Barbaria. *Item*, il re atende a l' impresa dil castello di Burgos, nel qual è domino Zuan Hemanuel, et uno altro grandò, dentro, e lo tien per don Carlo, ch' è im Bergogna. *Item*, è stata una sorela di don Hemanuel dal re, per aver salvo conduto per suo fradello; il re non l' à voluto far. *Item*, manda exercito e artilarie a quella volta di Burgos. E la raina so fiola è li, fuora di la terra; il re la visita; et hanno fato l' anual di suo marito, et exequie sopra la cassa dil corpo proprio, che la raina lo porta con si. *Item*, il re è stato in colloquio col cardinal di Toledo, qual non à altra fantasia cha 81 a le cosse di Africha contra mori; perhò à trovà li danari et farano quella impresa.

Fo poi intrato *etiam* in la materia per far la risposta, *ut supra.* Parlò sier Pollo Fixani, el cavalier, savio dil consejo, longo; li rispose sier Domenego